



**Ilariiktunut Pimmarlungniq Hattummiariliriningmunlu Maligak
Kangirhitjutighaq**

Taamna *Ilariiktunut Pimmarlungniq Hattummiariliriningmunlu Maligak* pipkainiaqtuq nunallaani ilaayunut ihumagiyainnik kilaminnuaq pitjutigilutik ilariiktunut niingaknitigun ighinaghaaktuniklu, imaalu utaqqiunggillutik kuatilikiughanik. Uuktuutighamik pitkuyauhimagiyunik *Maligani* piinnarialrit uuktugumayut ayughaliqtumut ilariiktunut pimmarlungningman niingaktaungmanluunniit aallamitluunniit pitkuyauyuk ayughaktumit.

Hitamauyut pitkuyauhimagiyunik pinnarialrit *Maligamit* ikayuutighamik ilariiktunut ayughaktut ilariiktunut pimmarlungmatta.

(1) Taamna Upingaktauningmun Aaniqtailiningmut Pitkuyauhimagiyut atuktauniaqtuq inungnut qilaminnuaq ikayuktauyumayunut hivuuganaqpallaangnaghingmat qilammiurutigiyaat ilariiktunut pimmarlungningmatta niingagghikhingmattaluunniit. Iluaniittut Upingaktauningmun Aaniqtailiningmut Pitkuyauhimagiyuni ilautiginiaqtait *huna* hapkuninga maliktut:

- Tunihinnarialiqlugu uuktuqtuq tamayainnik ilariiktut igluaganni;
- Ihuinaaqtuq takunahuagghimaillugu hivayaqluguluunniit uuktuqtumut, nutakkanut atlatluunniit ilariinggit;
- Tunihinnarialiqlugu uuktuqtuq tighimaliqlugit nutaraq nutaqqatluunniit; imaaluunniit
- Ihuinaaqtuq pittailiqlugu ahiruktaiqluguluunniit tamayanik

Nunallaani Apighuiyi atuktaaqtaikialu Upingaktauningmun Aaniqtailiningmut Pitkuyauhimagiyunik pigiararhaqtauyughaqaliqqat qahuttiqtiqluni ihuinaaqtuq takunahuanggillugu hivayanggillugulu uuktuqtumut kighighikaqlunilu 72nik ikangniritnik. Nunallaani aaniqtailiningmut iglughamik atuklutik ilariiktut ihariahuqtunut talvaniillutiklu talvuvamut 72nik ikangniritnik.

(2) Taamna Nunallaani Hattummiariliriningmun Pitkuyauhimagiyuk ikayuutigiyauyuk iningnirghanut, nunallaani tamainnun ilaitlu ilaayut ilariiktunut pimmarlungnighimagiyunut. Una pitkuyauhimagiyuk pipkaiptaaqtuq Inuinait pitkuhiinggit uqautjauningmun, pitkuhiliqnik uqautjauyimit, tahapkununga inungnun ayughautikaqtunut upingaktaunggittunut.

(3) Ikayuut Pitkuyauhimagiyuk uuktuutigiyauyuk Appighuiyimut talvani Nunavutmi Maligaliqiyitkutni pitkuyauyughamik aaniqtailiyaulimaigiagannik inuit. Taapkunalluagannut qayangnik pilimaittungnaghiyunut. Apighuiyi pipkaiptaaqtuq ikayuut pitkuyauhimagiyuk ilariiktut pimmarlungniqqatta taimaa piinniaghimmaaliqqatta, pigumik piffaarumikluunniit.

(4) Nalliqtuiyuliqinirmun Pitkuyauhimagiyumik pipkaiptaaqtut Apighuiyimit uuktuqtumut tammaktuitukaqqat hunavalungnik akiliqtuivakkumiluunniit taimaa pigamik ilariiktut pimmarlungningmatta.

Havainnaqtughamik Nunallaani Apighuiliqiningmun Havaktighamik havaktitauniaqtut tamainni Nunavut nunallaanggitni ikayuqlutik pivallialiningmun, ihuaghainingmun pivalliyughat pivallialiqlutik *Maligaittanik* havaghimmaaqlutiklu ihuinnaqtailiriningmun, mammiliqiningmun atlakiik pivalliatjutighat Nunallaat Apighuiliqiningmun Katimayalanggiltu. Ikayungnik, ilihautinik, qanuriliurutighaitlu Nunallaat Apighuiliqiningmun Havaktianut pipkainiaqtait nakuuyumik pivallialiriagannik nunamingnini ikayuutighanik.